

REGIONE AUTÒNOMA DE SARDIGNA

PRESIDÈNTZIA

ORDINÀNTZIA N. 6 DE SU 13 DE MARTZU 2020

Chistione: Mesuras istraordinàrias urgentes in matèria de trasportu pùblicu locale pro cuntrastare e prevènnere sa difusione epidemiològica dae COVID-2019 in su territòriu regionale de sa Sardigna. Ordinàntzia in cunforma a s'art. 3, comma 2, de su decretu lege 23 freàrgiu 2020 n. 6 e de s'art. 1, comma 5, Decretu de su Presidente de su Consìgiu de sos Ministros de s'11 de martzu 2020 in matèria de igiene e sanidade pùblica.

Su Presidente

BIDU s'art. 32 de sa Costituzione;

BIDU s'Istatutu Ispetziale pro sa Sardigna e sas normas de atuazione chi li pertocant;

BIDA sa lege regionale 7 de ghennàrgiu 1977. n. 1 chi tratat "Normas subra de s'organizazione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales";

BIDA sa Lege 23 de su mese de nadale 1978, n. 833 "Istituzione de su servitziu sanitàriu natzionale" e mescamente s'art. 32 chi disponet "Su Ministru de sa sanidade podet emitere ordinàntzias de caràtere contingibile e urgente, in matèria de igiene e sanidade pùblica e de politzia veterinària, cun eficàtzia estesa in su territòriu natzionale intreu o in una parte chi cabet prus regiones", e fintzas "in sas matessi matèrias sunt emìtidas dae su presidente de sa giunta regionale e dae su sindigu ordinàntzias de caràtere contingibile e urgente, cun eficàtzia estesa a sa regione o a parte de su territòriu sou chi cabet prus comunes e a su territòriu comunale";

BIDAS sas Ordinàntzias de su Presidente de sa Regione Sardigna n.1 de su 22.02.2020, n. 2 de su 24.02.2020, n. 3 de su 27.02.2020, n. 4 de s'8.03.2020 e n. 5 de su 09.03.2020;

BIDU s'art.50 D. Lgs. 18 austu 2000 n.267;

BIDU su D. Lgs. 17 aprile 2001, n.234;

BIDU su D. Lgs. 31 martzu 1998, n. 112;

BIDA sa delibera de su Consìgiu de sos Ministros de su 31 de Ghennàrgiu 2020, chi at decraradu, pro ses meses s'istadu de emergèntzia in su territòriu natzionale pro s'arriscu sanitàriu ligadu a maladias chi benint dae agentes virales trasmissibiles;

BIDA s'ordinàntzia de su Ministru de sa salute de su 21 de freàrgiu 2020, publicada in sa Gazeta ufiziale de sa Repùblica italiana - Sèrie generale, n. 44 de su 22 freàrgiu 2020;

BIDU su decretu lege 23 freàrgiu 2020. n. 6 chi tratat "Mesuras urgentes in matèria de cuntenimentu e gestione de s'emergèntzia epidemiològica dae COVID-19" publicadu in GU Sèrie Generale n.45 de

su 23.02.2020, vigente a su 23.02.2020, e mescamente s'art.3 comma 2;
BIDU su decretu de su Presidente de su Consìgiu de sos Ministros de su 23 freàrgiu 2020;

BIDU su decretu de su Presidente de su Consìgiu de sos Ministros de su 25 freàrgiu 2020;

BIDOS sos Decretos de su Presidente de su Consìgiu de sos Ministros in die 1 martzu 2020, 4 martzu 2020 e 8 martzu 2020;

BIDAS sas ordinàntzias de su Cabu de su Dipartimentu de sa Protetzione tzivile;

BIDU su decretu lege 2 martzu 2020, n. 9, chi tratat: “Mesuras urgentes de agiudu a sas famìllias, a sos traballadores e a sas impresas ligadas a s'emergèntzia epidemiològica dae COVID19”

BIDU su Decretu de su Presidente de su Consìgiu de sos Ministros de su 9 martzu 2020, chi tratat “àteras dispositziones atuativas de su decretu-lege 23 freàrgiu 2020, n. 6, chi tratat mesuras urgentes in matèria de cuntinimentu e gestione de s'emergèntzia epidemiològica dae COVID-19, chi si àplicant a su territòriu natzionale intreu”.

BIDU su decretu lege 9 martzu 2020, n. 14 “Dispositziones urgentes pro su potentziamentu de su Servìtziu sanitàriu natzionale pro su chi pertocat s'emergèntzia COVID-19”;

BIDU su Decretu de su Presidente de su Consìgiu de sos Ministros 11 martzu 2020, chi tratat “àteras dispositziones atuativas de su decretu-lege 23 freàrgiu 2020, n. 6, chi tratat mesuras urgentes in matèria de cuntinimentu e gestione de s'emergèntzia epidemiològica dae COVID-19, chi si àplicant a su territòriu natzionale intreu”, sas dispositziones de custu decretu produint efetu dae sa die de su 12 de martzu 2020 e fintzas a su 25 de martzu 2020, abarrant bàlidas sas dispositziones de su decretu de su Presidente de su Consìgiu de sos Ministros 8 martzu 2020 e de su decretu de su Presidente de su Consìgiu de sos Ministros 9 martzu 2020, si non sunt incompatibiles;

LEADU A CONSIDERU chi s'Assessoradu de sos trasportos, cun notas suas n.2007 de su 28.02.2020, n.2246/cir.3 de su 05.03.2020 e n.2433/cir. 4 de su 05.03.2020 at giai rechestu a sas aziendas de trasportu pùblicu locale subra de gomma e de ferru, de ativare deretu sos adempimentos chi s'inghiant a sas dispositziones de sas diretivas ministeriales mentovadas subra;

AVERIGUADU chi est netzessàriu garantire sa seguresa de sos utentes e de sos traballadores de su setore trasportos e in su matessi tempus assegurare unu servìtziu essenziale;

RITÈNNIDU de dèpere adotare mesuras urgentes pro prevènnere e cuntennere s'arriscu de sa cundidura in su territòriu regionale intreu e, pro custu, dispònner de reduire sos servìtzios de trasportu pùblicu locale asseguende sos servìtzios essenziali ebbia;

ÒRDINAT

Art. 1) Est disposta, in totu su territòriu regionale, sa ridutzione de sos servìtzios de lìnea e non de lìnea erogados dae sas aziendas de trasportu pùblicu locale (TPL), dende cara de mantènnere sos collegamentos essenziali ebbia pro cada modalidade de trasportu, comente previstos dae diretivas guvernativas. Mescamente:

- a) pro sos servìtzios de TPL terrestres (ferrovia, metrotranvia e gomma) est disposta sa ridutzione fintzas a su nesi su 50% de sos servìtzios programados;

- b) pro sos servìtzios de TPL marìtimu:
- riduzione de su 20% de sas cursas programadas in sos collegamentos intro de die cun cada ìsula de S. Pedru e Sa Madalena;
 - - riduzione de su 50% de sas cursas programadas pro sos collegamentos intro de note de sas ìsulas de S. Pedru e Sa Madalena. Una nave pro cada ìsula tocat chi abarret armada e aprontada pro garantire deretu su trasportu si b'at emergèntzia;
 - riduzione de su 20% a su nessi de sas cursas programadas in sos collegamentos cun s'ìsula de s'Asinara;
 - - sospensione totale de sos collegamentos cun sa Còrsica.

Art. 2) Sas aziende de trasportu adèguant sos servìtzios a sas dispositziones in cunforma a s'art. 1 e comunicant sos programmas de esertzìtziu pròpios - e sas modificatziones eventuales imbenientes – a s'Assessoradu regionale de sos trasportos.

Art. 3) In presèntzia de esigèntzias de interessu pùblicu, sa direzione generale de s'Assessoradu de sos Trasportos podet leare modificas oportunas a sos programmas de esertzìtziu comunicados dae sas aziende de trasportu.

Art. 4) Est fatu òbligu a sas aziende de trasportu de dare esecutzione a cantu dispostu cun custa ordinàntzia e de garantire publitzidade adeguada e a sa lestra e informativa a s'utèntzia.

Art.5) Custa ordinàntzia:

- est bàlida fintzas a su 25 de martzu 2020, francu pròroga esplitzita;
- est eficatze deretu e est publicada in su giassu istituzionale de sa Regione. Sa publicazione at balore de notifica individuale, a totu sos efetos de lege, pro totu sos sugetos coinvoltos;
- est mandada in cunforma a sas competèntzias a su Presidente de su Consìgiu de sos Ministros, a su Ministru de sa Salute, a su Ministru de sas Infrastruturas e de sos Trasportos, a sos amministradores de sas provìntzias de su territòriu regionale, a su Sindigu Metropolitanu de Casteddu, a sos Sindigos de sos Comunes de sa Sardigna, a sos Prefetos de sos Ufìtzios territoriales de governu de sa Sardigna e a sos Assessoros regionales.

Contra custa ordinàntzia est ammitidu recursu giurisditzionale in antis a su Tribunale Amministrativu Regionale in su tèrmine de 60 dies dae sa comunicatzione, o si nono recursu istraordinàriu a su Cabu de s'Istadu, intre su tèrmine de 120 dies.

Su Presidente
Christian Solinas